

Ka rave'ia te iki'anga konitara oire o Palmerston North a te Maanakai 12 Okotopa 2019. Ka iki te au tangata iki'anga no te tao'anga Mayor e te 15 Mema Konitara.

Eaa te angaanga a te Konitara?

E aravei putuputu ana te Konitara Oire no te tuku'anga tika te ka arapaki atu i te ora'anga tangata i Palmerston North mei tetai ra ki tetai ra. E akaere ana te Konitara i tetai maa'ta'anga taokotai'anga oronga tauturu o te oire mei to te mataara, te au ara vai, te koi'anga tita, te au are vairanga puka, te ngai akangaroiana/kangakanga, te au puna no te iti tangata, retita'anga puakaoa, te iti tangata e te kimikimi'anga puapinga, e te parani'anga oire.

Koai te ka tau kia iki'ia?

E tikaanga teia no te au tangata kia iki i tetai Konitara te ka riro ei mata no te au manako tuketuke e manganui e pera katoa no tetai au manakonako'anga e vai nei i roto i te oire tangata.

Kia tu koe no te iki'anga ei turanga toou:

- E tangata tinamou no Nu Tireni E PERA KATOA
- Kua retita'ia ei tangata iki'anga (ko teia te aite'anga e 18 o'ou mataiti me kare tere atu) E PERA KATOA
- Kua tamanako iki'ia e tetai nga tangata iki'anga no Palmerston North.

Ka piri te au tamanako'anga iki'anga ingoa a te **Varaire 16 Aukute** i te Avatea Tuaero.

Koai te ka akatikaia kia iki?

Ko te au tangata ua tei retita'ia te ka akatika'ia kia iki. E tika'anga toou kia retita e ma te iki katoa me:

- E 18 o'ou mataiti me kare tere atu E PERA KATOA
- Ei tangata noo tinamou koe ki Nu Tireni (citizen) me kare e tangata noo tinamou (permanent resident) me kare e tika'anga noo'anga tatuatau (resident visa) E PERA KATOA

- Kua noo ana koe ki Nu Tireni no tetai okotai mataiti me kare tere atu no tetai roa'anga tuatau i tetai ati'anga.

Me e Maori koe no te Kuki Airani, Niue, Tokelau me kare Autireria ka rauka ia koe i te retita i muri ake i toou noo'anga ki Nu Tireni no tetai 12 marama tamanamanata koreia; kare koe e anoano'ia kia mou i tetai tiketi tika'anga noo'anga tatuatau no te retita'anga e te iki'anga.

No te retita'anga, akaraia atu vote.nz me kare taniuniu ia atu te numero 0800 36 76 56.

Ka akapeea i te iki'anga:

Ka tuku ia atu tetai tikiro retita'anga na roto i te mere i roto i te marama Tepetema kia ratou tei retita'ia. Tei roto i te tikiro retita'anga tetai au akamaramaanga no te iki'anga.

E ikianga turanga paruru meitaki to Nu Tireni, e ko taau iki'anga ka vai muna ua rai te reira. Kare koe e anoano'ia kia akaite ki tetai ua atu e koai taau i iki, mari ua me kua inangaro koe.

Te au ra puapinga no te au tangata iki

Varaire 20 Tepetema	Ko te tikiro retita'anga tei tuku'ia na roto i te mere, e te akatuera'anga o te iki'anga
Maanakai 12 Okotopa	Ka piri atu te iki'anga i te Avatea Tuaero
Paraparau 17 Okotopa	Ka akakite'ia atu te tare'anga papu

No tetai tauturu me kare au tuatua akakitekite

Kia retita'ia no te iki'anga: taniuniu atu 0800 36 76 56 me kare akaraia atu vote.nz
No tetai tauturu no te iki'anga me kare e au uiui'anga no te iki'anga: **taniuniu atu 0800 300 126**
Ka rauka katoa ia koe i te aravei atu i te maine/tama akatereau o te Konitara Oire me kare te Manawatū Multicultural Centre no tetai tauturu.

